

Broj: 01-05-6-01250-9/2019
Sarajevo, 08.04.2019. godine

Na osnovu čl. 88. i 89. Zakona o javnim nabavkama Bosne i Hercegovine („Službeni glasnik BiH“, broj 39/14), nakon razmatranja Preporuke Komisije za javne nabavke broj: 01-05-6-01250-8/2018 od 05.04.2019. godine, Direktor Federalne uprave za inspeksijske poslove u ime Ugovornog organa, donosi,

O D L U K U

o dodjeli ugovora o nabavci usluga-registracija i tehnički pregled službenih vozila Federalne uprave za inspeksijske poslove

I

Prihvata se Preporuka Komisije za javne nabavke uprave broj 01-05-6-01250-8/2018 od 05.04.2019. godine, te se Ugovor o nabavci usluga – registracija i tehnički pregled službenih vozila Federalne uprave za inspeksijske poslove, po provedenom postupku konkurentskog zahtjeva za dostavu ponuda uz primjenu e-aukcije dodjeljuje ponuđaču „Centrotrans-Eurolines“ d.d. Sarajevo.

Ugovor sa ponuđačem „Centrotrans-Eurolines“ d.d. Sarajevo zaključit će se pod slijedećim uslovima:

- ukupna cijena ponude 9.720,00 KM bez uračunatog PDV-a,
- nabavka pojedinačnih usluga će se vršiti sukcesivno u skladu sa potrebama Ugovornog organa,
- ugovor će se zaključiti na period od 1/jedna/ godina od dana zaključivanja istog,
- rok plaćanja je 30/trideset/ dana od dana prijema mjesečne fakture na protokol Ugovornog organa.

II

U skladu sa članom 45. Zakona o javnim nabavkama BiH, ponuđač „Centrotrans-Eurolines“ d.d. Sarajevo je dužan ugovornom organu u roku od 5 (pet) dana od dana prijema ove odluke dostaviti dokaze izdate od strane nadležnih organa, kojim potvrđuje slijedeće činjenice:

- uvjerenje nadležnog suda kojim dokazuje da u krivičnom postupku nije izrečena pravomoćna presuda kojom je osuđen za krivično djelo učešća u kriminalnoj organizaciji, za korupciju prevaru ili pranje novca,
- uvjerenja nadležnih institucija kojim se potvrđuje da je izmirio dospelje obaveze, a koje se odnose na doprinose za penziono i invalidsko osiguranje i zdravstveno osiguranje
- uvjerenje nadležnih institucija da je izmirio dospelje obaveze u vezi sa plaćanjem direktnih i indirektnih poreza.

Dostavljeni dokumenti iz prethodnog stava ovog člana moraju biti originali ili ovjerene kopije i ne mogu biti stariji od 3 (tri) mjeseca računajući od dana dostavljanja ponude.

Ukoliko odabrani ponuđač ne dostavi naprijed tražene dokaze u ostavljenom roku, njegova ponuda će biti odbačena u skladu sa članom 45. stav (1) Zakona o javnim nabavkama BiH.

III

Po ispunjenju uslova iz tače II ove odluke i okončanju žalbenog roka ugovorni organ će sa ponuđačem iz tačke I ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

IV

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Direktor Federalne uprave za inspeksijske poslove je svojom odlukom broj 01-05-6-01250/2019 od 11.03.2019. godine pokrenuo postupak javne nabavke usluga –registracija i tehnički pregled službenih vozila Federalne uprave za inspeksijske poslove uz primjenu e-aukcije, a konkretna nabavka je predviđena Planom nabavki uprave za 2019. godinu-usluge, redni broj

4. Dana 14.03.2019. godine na portalu javnih nabavki BiH je objavljeno obavještenje o nabavci predmetnih roba, broj obavještenja 1292-7-2-2-3-1/19. Istog dana je u skladu sa članom 88. stav 1. Zakona o javnim nabavkama BiH zahtjev za dostavljanje ponuda je upućen na adrese tri ponuđača, i to „Centrotrans-Eurolines“ d.d. Sarajevo, „Remis“ d.o.o. Visoko i „BiHAMK“ d.o.o. Sarajevo.

Dana 01.04.2019. godine sa početkom u 12,15 sati, a kako je to predviđeno i u tenderskoj dokumentaciji izvršeno je javno otvaranje blagovremeno pristiglih ponuda, te je u zapisniku sa otvaranja ponuda konstatovano da su ponude dostavili slijedeći ponuđači sa pročitanim vrijednostima ponuda:

Broj protokola ugovornog organa	Broj koverta sa ponudom	Naziv/ime ponuđača	Koverta ispravno zat. i potp. ili opečaćena	Ukupna cijena ponude sa uračunatim popustom
01-05-6-01250/19-I	1.	„Centrotrans – Eurolines“ d.d. Sarajevo	Da	12.436,96 KM
01-05-6-01250/19-II	2.	„Ahmetspahić Petrol“ d.o.o. Sarajevo	Da	11.712,59 KM
01-05-6-01250/19-III	3.	„Remis“ d.o.o. Visoko	Da	12.196,29 KM
01-05-6-01250/19-IV	4.	„BiHAMK tehnički pregled i servis“ d.o.o. Sarajevo	Da	12.453,11 KM

Javnom otvaranju ponuda su prisustvovali ovlašteni predstavnici ponuđača „Ahmetspahić Petrol“ d.o.o. Sarajevo, Lević Edna i Čengić Džemal, kojim je odmah nakon izvršenog otvaranja ponuda uručen jedan primjerak zapisnika o čemu su imenovani potpisali potvrdu o preuzimanju zapisnika koja je uložena u predmet, dok je ostalim ponuđačima zapisnik sa otvaranja ponuda odmah putem pošte otpremljen na adrese.

Komisija je na zatvorenom sastanku izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera garancija, obrazaca i drugih dokumenata. Na osnovu izvršenog neposrednog uvida u ponude komisija je utvrdila da su ponuđači dostavili kompletnu dokumentaciju traženu tenderskom dokumentacijom, te da ne postoje razlozi za odbacivanje ponude bilo kojeg od ponuđača. Na istom sastanku komisija je izvršila provjeru računske ispravnosti dostavljenih ponuda, te tom nije našla nepravilnosti u dijelu koji se odnosi na računsku ispravnost ponuda. Komisija je također konstatovala da su svi ponuđači u svojim ponudama naznačili da njihova ponuda uživa preferencijalni tretman u skladu sa Odlukom o obaveznoj primjeni preferencijalnog tretmana domaćeg („Službeni glasnik BiH“, broj 83/16). Nakon toga je izvršeno usaglašavanje termina za e-aukciju, te su se članovi komisije složili da termin za održavanje e-aukcije bude petak 05.04.2019. godine sa početkom u 12,00 sati.

Prilikom unošenja ponuda koje su dostavili ponuđači u sistem e-Nabavke, shodno odredbi člana 3. stav (1) Pravilnika o uvjetima i načinu korištenja e-aukcije, konstatovano je da se u sistem ne može unijeti ponuda koju je dostavio ponuđač „Remis“ d.o.o. Visoko. Izvršenim uvidom u Izvještaj o preuzimanju dokumentacije od strane ponuđača od 2.4.2019. godine utvrđeno je da navedeni ponuđač i nije preuzeo tendersku dokumentaciju sa Portala javnih nabavki, što je razlog nemogućnosti unošenja njegove ponude u sistem e-Nabavke. Tenderskom dokumentacijom je definisano da se komunikacija i svaka druga razmjena informacija između ugovornog organa i ponuđača, informacije u vezi sa postupkom javne nabavke, preuzimanje tenderske dokumentacije, zahtjev za pojašnjenje ponude, može dobiti isključivo putem portala e-Nabavke. Slijedom navedenog, a kako ponuđač „Remis“ d.o.o. Visoko nije mogao učestvovati u postupku e-aukcije iz razloga što nije preuzeo tendersku dokumentaciju sa Portala javnih nabavki, što je jasno utvrđeno u pozivu za dostavljanje ponuda, Komisija je jednoglasno zaključila da je shodno članu 68. stav (4) tačka j) Zakona o javnim nabavkama BiH ponudu navedenog ponuđača potrebno odbaciti.

U sistem su unesene ponude koje su dostavili preostala 3 ponuđača. Shodno Izvještaju Agencije za javne nabavke od 5.4.2019. godine postupak e-aukcije je uspješno okončan. Izvršenim uvidom u Izvještaj o toku i završetku e-aukcije konstatovano je da je e-aukcija trajala od 12,00 do 13,04 sati.

U izvještaju o toku i završetku e-aukcije, konstatovana je slijedeća rang lista ponuđača koji su učestvovali u postupku e-aukcije:

Naziv /ime ponuđača	Početna cijena bez PDV-a	Cijena nakon e-aukcije bez PDV-a	Rang
„Centrotrans – Eurolines“ d.d. Sarajevo	12.436,96 KM	9.720,00 KM	I
„Ahmetspahić Petrol“ d.o.o. Sarajevo	11.712,59 KM	9.740,00 KM	II
„BiHAMK tehnički pregled i servis“ d.o.o. Sarajevo	12.453,11 KM	11.632,00	III

Kako je kriterij za dodjelu ugovora u konkretnom postupku javne nabavke najniža cijena tehnički zadovoljavajuće ponude, komisija je jednoglasno konstatovala da nema smetnji za davanje preporuke direktoru uprave da se ponuđaču koji je dostavio ponudu sa najnižom cijenom dodijeli ugovor o nabavci predmetnih usluga.

U skladu sa kriterijem „najniža cijena tehnički zadovoljavajuće ponude“ komisija je konstatovala da je ponuda ponuđača „Centrotrans-Eurolines“ d.d. Sarajevo, najpovoljnija sa ukupnom ponudenom cijenom bez PDV-a 9.720,00 KM, te je u skladu sa navedenim dala preporuku Direktor uprave da u ime ugovornog organa donese odluku kojom će ugovor o nabavci predmetnih usluga dodijeliti navedenom ponuđaču.

Kako je članom 45. stav (1) Zakona o javnim nabavkama propisano da je ugovorni organ dužan odbaciti zahtjev za učešće ili ponudu onog ponuđača koji ima smetnje propisane u tačkama a) do d) istog stava, članom II ove odluke je utvrđena obaveza za izabranog ponuđača da u roku od 5 (pet) dana od dana prijema odluke dostavi dokumentaciju izdatu od strane organa koji vode takve evidencije, a koja obaveza je regulirana i tačkom 2. Tenderske dokumentacije.

Nakon razmatranja dostavljene preporuke Direktor Federalne uprave za inspeksijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.


DIREKTOR

Anis Ajdinović

Dostaviti:

1. „Centrotrans-Eurolines“ d.d. Sarajevo, Kurta Schorka 14, 71000 Sarajevo
2. „Remis“ d.o.o. Visoko, PJ Tehnički pregled Sarajevo, Džemala Bijedića 139, 71000 Sarajevo
3. „Ahmetspahić Petrol“ d.o.o. Sarajevo, Muamera Omerbegovića broj 3, 71103 Sarajevo
4. „BIHAMK Tehnički pregledi i servisi“ d.o.o. Sarajevo, Blažujski drum 78, 71000 Sarajevo
5. Sektor za materijalno-finansijske i tehničke poslove
6. Sektor za tehničku podršku i plansko- analitičke poslove
7. Komisija za javne nabavke (a/a)

